

7. **R**atio nequit intima reri,
nequit os labiumque fateri,
sacra vascula quanta paravit,
quibus et lapidum decoravit.
8. **I**bi Sardius et chrisoprassus
nitet ac speciosa smaragdus,
simul emicat his amethystus
radiat preciosa iacynthus.
9. **V**arias quoque Grecia vestes
dedit artifices que scientes¹;
tribuit sua marmora Roma,
quibus est domus ista decora.
10. **S**uper haec meritis Benedicti
dedit huic miseratio Christi,
locus esset ut iste piorum
celebris bonitate virorum;
11. **A**lias quoque per regiones
et in abdita religionem
loca spargeret ultima mundi,
ubi sol cadit ac ubi surgit.
12. **B**oreas solet ardua quotquot
foliis iuga spargere, tot tot
titulos tulit hic variorum
varia ex regione librorum².
13. **B**ona quae pater iste peregit,
numeris quis homo cohibebit?
Danihelis eum vocitamen
facit ac opus esse sodalem.
14. **A**mor et sacra copula pacis
facit hunc genus esse tonantis,
faciat super astra beatum
pater hunc socium fore patrum.
15. **S**imul et modo qui sumus istic
fore cras simul annuat illic,
sacietque greges paradisus,
quibus extat ovile Casinus.

13, 1 'Dona' Hs.

1) Chronica monast. Casin. III. c. 27 (p. 718). 2) Ib. c. 63 (p. 746).